

SCRIPT OF MORNING GOJRI NEWS BULLETIN 25JAN 2025 1015HRS

مارنگ گوجری نیوز بولیٹن 25 جنوری 2025

PM R DAY GUESTS

وزیر اعظم نریندر مودی یوم جمہوریہ غی تقریب مانہہ حصو لین آلا این سی سی دستاں فنکاراں تے قبائلی برادری غا ممہاناں نال اج نوی دہلی مانہہ ملاقات کریں گا واضع رہ جے اس سلسلہ مانہہ اک پروگرام وزیراعظم غی رہائش گاہ ور منعقد کیو گیو بے جت وے یوم جمہوریہ غی تقریب مانہہ شرکت کرن آلاں نال گل بات کریں گا یاد رہ جے اس سال غی یوم جمہوریہ تقریب مانہہ بھارت غا رسم و رواج تے فوجی صلاحیت غے نال نال گزشتہ ۵۷ سالان مانہہ آئین غا نفاذ غی عمل آوری ناں نمکیلا طریقہ نال باندھے آئیو جے گو۔

PREZ ADDRESS

صدر جمہوریہ آج یوم جمہوریہ گا موقعہ ور قوم سنگ خطاب کرے غی۔ یوہ خطاب آکاش وانی گا پورا قومی نیٹورک تے دور درشن گا تمام چینلاں ور پہلاں بندی تے پھر انگریزی زبان مانہہ نشرکیو جے غو دور درشن ور انگریزی زبان مانہہ خطاب توں بعد علاقائی چینلاں ور علاقائی زبان مانہہ اس خطاب نانہہ نشر کیو جے غو جدکہ آکاشوانی اپنے علاقائی نیٹ ورک ور علاقائی زبانان مانہہ اس خطاب نانہہ رات ۹ بج غے ۰۳ منٹ توں نشر کرے گو۔

JK R DAY GUESTS

اس سال غی ۶۲ جنوری نوی دہلی مانہہ منعقد ہون آلی تقریب مانہہ جموں کشمیر غا کوئے ۰۲ نوجوان شرکت کریں گا جن مانہہ ارجنہ ایوارڈ حاصل کرن آلی شیتل دیوی تے راکیش کمار وی شامل ہیں اس تیں علاقہ وشوا کرما یوجنا مانہہ بہتر کارنامو انجام دین آلی پروین چوہدری ہر دیپ سنگھ تے کستواری لال سمیت کئی دوجا لوک شامل ہیں یاد رہ جے جموں کشمیر غا ان لوکاں ناں یوم جمہوریہ تقریب مانہہ دوجا ۰۱ ہزار خصوصی مہمان غے نال تقریب مانہہ شرکت کرن غو موقعو لبے غو۔

SECURITY ARRANGMENTS

آئیندہ ۶۲ جنوری ناں یوم جمہوریہ منان غا سلسلہ مانہ حفاظت گا تمام بندودست مکمل کرلیا گیا ہیں واضع رہ جے اس سلسلہ مانہ سب تیں بڑی تقریب مولانا آزاد سٹیڈیم جموں مانہ منع وے گی جت لیٹینٹ گورنر منوج سنہا قومی جھنڈو چاڑ غے مارچ پاسٹ ور سلامی لیں گا جدکہ وزیر اعلیٰ عمر عبداللہ مہمان خصوصی گا طور ور اُت موجود ریں غا یوم جمہوریہ منان غا سلسلہ مانہ سرحد ور تمام حفاظتی دستاں ناں جدید ٹیکنالوجی غے نال چُکنا کردتو گیو ہے تاں جے دشمنان گا اراداں ناں ناکام کیو جاسکے اُواں انتظامیہ نے تما سرکاری عمارتاں ور قومی چنڈو لان غی ہدایت کی ہیں نالے تمام سرکاری افسراں تے ملازماں ناں یوم جمہوریہ غی تقریبات مانہ حصو لین غی ہدایت جاری کردتی گئی ہیں۔ انتظامیہ نے مرکزی زیر انتظام علاقاں مانہ تمام دفتر تے سرکاری عمارتاں نانہ روشن کرن تے قومی چھنڈو فران غی ہدایت کی ہے۔ یوہ اقدام اس موقع نانہ شان تیں منان نالے وسیع پیمانہ ور شرکت نانہ یقینی بنان غی کوشش غو حصو ہے۔ اس تیں علاوہ تمام سرکاری ملازماں بشمول ما تحت دفتر غا ملازم نانہ ہدایت کی گئی ہیں کہ وہ اپنا متعلقہ ضلع مانہ یوم جمہوریہ غی سرکاری تقریبات مانہ شرکت کریں۔

BADHAAL CRISIS

ضلع راجوری گا کوٹرنکہ سب ڈویزن گا گراں بدھال توں تعلق رکھن آلا مزید ۹ مریضاں نانہ پچھلے تہاڑے سرکاری طبی کالج راجوری مانہ داخل کرایو گیو ہے یاد رہے جے اس گراں مانہ پُر اسرار بیماری غی وجہ توں ۷۱ افراد فوت ہو گیا ہیں اس سلسلہ مانہ داخل کرایا گیا تمام مریضاں نانہ الگ الگ وارڈاں مانہ نگرانی اندر رکھیو گیو جدکہ دو مریض سائیمہ تے شینم نانہ آئی سی یو مانہ رکھیو گیو ہے لیکن وے وینٹی کیٹر ور نہیں ہیں سرکاری درائع گو کہنو ہے جے یو ٹی حکومت گی طرفوں بنائی گئی خصوصی تحقیقاتی ٹیم ایس۔آئی۔ٹی اس معاملہ نانہ حل کرن واسطے پھیلا ۰۱ تہاڑاں توں اجے توڑی کسی نتیجہ تک نہیں پُجی ہے اس سلسلہ مانہ ایس۔آئی۔ٹی نے ہون توڑی ۰۰۱ توں متا افراد نانہ تہقیقات واسطے تفتیش مانہ شامل کیو ہے

اونگا ۶۱ سالہ نازیہ کوثر جھپڑی وینٹی لیٹر ور تھی۔ غی حالت بہتر ہون ور الگ یعنی آئسولیشن وارڈ مانہ منتقل کردتو گیو ہے جدکہ ان گی دوبہن خالدہ بیگم تے تازیم اختر غی حالت وی مستحکم ہے تے پی۔ جی۔ آئی چندی گڑھ مانہ ۴۲ سالہ اعجاز احمد گی حالت وی مزید بہتر ہو رہی ہے۔

LG BOOK RELEASE

لیفٹیننٹ گورنر منوج سنہا نے پچھلے تہاڑے منو کھجوریہ سنگھ گی طرفوں لکھی گئی کتاب ماوٹین گڈنس گو اجرا کیو ہے۔ اس دوران ایل جی موصوف نے اس کتاب غا مصنف نانہ مبارک باد دتی تے اُن کی آن آلی ادبی کمان واسطے نیک خواہشات گو اظہار کیو ماوٹین اینڈ گڈنیش مانہ مصنف یعنی کتاب لکھن آلا گا سفر نانہ بیان کیو گیو جس مانہ اُنہاں نے جموں مانہ اپنی دھرتی سنگ جڑی وی نسوانی یعنی فیمنائین طاقتور بارے دسیو ہے واضع رہ جے منو کھجوریہ سنگھ جھیرا برطانیہ مانہ مقیم ہیں جموں کشمیر تون تعلق رکھن آلا آزاد مصنف تے مبصر یعنی کمیٹیٹر ہیں۔

CS SBMG

چیف سیکرٹری اتل ڈلو نے دیہی ترقیات محکمہ آر ڈی دی گی اک میٹنگ غی سدارت کرغے یو ٹی مانہ سوچ بھارت مشن گرامین گا نفاذ تے پیش رفت گو جائیزو لیو ہے اس میٹنگ غے دوران چیف سیکرٹری نے دیہی صفائی محکمہ گی طرفوں بنایا گیا کمیونٹی اثاں گی باقاعدہ نگرانی گی اہمیت ور زور پایو اُنہاں نے محکمہ نانہ ہدایت جاری کرتا مانہ کیو جے کمیونٹی صفائی کمپلیکس پٹس الگ الگ کرن گا شیڈ نکاسی آب کی سہولیات جیسا اثاں گی حالت گو پتو لان واسطے اک مضبوط نظام نانہ واضع کیو جے اُنہاں نے زمینی سطح ور کم کرن آلا عملا نانہ ہدایت دیتا مانہ کی وجے وے ان اثاں کی جیو ٹیگ کی گئی تصویر تے ویڈیو نانہ باقاودگی سنگ اپ لوڈ کریں تانجے متعلقہ حکام نانہ تازہ ترین معلومات دستیاب ہوں سکیں۔